

noch seyn werden:) sollen mit darzu genommen: vnd gezogen werden / viel auß denselbigen Kotten vnd Secten sollen zu Christen werden / dz sie gleichwol zu letzt mit dem Geist Gottes ein Christlich Bekandnuß (in selben grossen Concilio) gemäß des warhafftigen Euangelij / schliesen / vnd sol gehen vnd geprediget werden durch ganz Europa. Zu der Zeit sol durch Europa ein Müntz seyn. Nach diesem Concilio sol ein herrliche Policen seyn / alle Ding gutes Kauffs / vnd die Völcker in Europa werden ihren Kayser / vnd ihre Könige / vnd ihre Fürsten / vnd ihre Herrschafften ehren. In wenig Jahren hernach sol des Teutschen Kayser stillstandt mit dem Türcken auß seyn / als dann sol der Teutsche Kayser anfahren mit den Völckern in Asia vnd Affrica zu streiten / dieselben sol er zwingen / daß ihr viel erklich von den Gewaltigsten / das Euangelium Christi annehmen / dann zu der Zeit werden die höchsten Potentaten vnd grosse Herzen in Asia vnd Affrica von ihrer jetzt engers Lehre abfallen / vnd werden bey dem Teutschen Kayser Rath suchen / der Religion halben / vnd ihrer viel sollen seyn vnter sich selbst vneyns. Zu letzt sol Asia vnd Affrica von dem Teutschen Kayser bezwungen werden / daß sie Gottes Wort annehmen.

(Die 10. Fahn: 1639.) Hie fiel mir eyn / daß ich ein Hand machen sollte / zum beschluß dieser Jahren / die auff diese Wortweise: Domine fiat voluntas tua: & miserere generis humani. Das ist: Herz dein Will geschehe / vnd erbarme dich des Menschlichen Geschlechts / vnd sollte leer stehen / daß sie nur die Jahr Zahl vorhätte.

Nach dieser Fahren fiel mir eyn die 11. Fahn: vnd sollte seyn ohne Jahr Zahl. Zu der Zeit wird man Schiff zurüsten / Franckreich vnd Hispanien mit zu bezwingen vnd eyn zunehmen: wann das geschicht / so ist der Topff ganz vnd gar vmbgestürket / 2c.

An dem Tag wird man ihr viel zusammen in einen Sack jagen / wann sie nun darinnen seyn / wird man den Sack zuknüpfen.

In kurz vnd wenig Jahren darnach / sol folgen ein Concilium aller Gelährten von allerley Kotten vnd Secten.

Diese 12. vnd folgende Fahn sol ein blutige Hand haben / vnd gehen auß einer ganz dicken / schwarzen Wolcken.

Diese